



15
384
1458

Bosnia and Herzegovina
Federation of Bosnia and Herzegovina

CANTON SARAJEVO
Ministry of Veteran's affairs

Broj: 01-05-18645-93-1/19
Sarajevo, 26.06.2019. godine

SKUPŠTINA KANTONA SARAJEVO
-OVDJE-

PREDMET: Izjašnjenje na zastupničko pitanje zastupnika Samira Suljevića, dostavlja se

Zastupnik Samir Suljević je na Osmoj sjednici Skupštine Kantona Sarajevo, održanoj dana 14.05.2019. godine, u okviru tačke Dnevnog reda "Poslanička/zastupnička pitanja, inicijative i odgovori" pokrenuo zastupničku inicijativu „da se na brdu Žuč (uži lokalitet Golog brda) izgradi spomen obilježje i izvrši uređenje lokacije na kojoj je 27. jula 1993. godine u odbrani grada poginulo 18 pripadnika specijalne jedinice MUP-a RBiH“.

Na pokrenutu zastupničku inicijativu dajemo sljedeće

IZJAŠNJENJE

Ministarstvo za boračka pitanja Kantona Sarajevo je odmah po dobijanju zastupničkog pitanja uvaženog zastupnika Samira Suljevića uputilo dopis Fondu Kantona Sarajevo za izgradnju i očuvanje grobalja šehida i poginulih boraca, memorijalnih centara i spomen obilježja žrtava genocida za dodatne informacije u vezi ove inicijative s obzirom da je Fond memorijala jedan od nosilaca aktivnosti na realizaciji ovog projekta.

Fond memorijala u svom dopisu broj 13-23-99/19 od 12.06.2019. godine informiše o aktivnostima koje su provedene prethodnih godina na realizaciji projekta Memorijalni centar Žuč, sa centralnim spomenikom na lokalitetu Golog brda.

U dopisu se navodi da je u julu 2015. godine završen javni natječaj za odabir idejnog arhitektonsko-urbanističkog rješenja za Memorijalni centar Žuč i tom prilikom je odabrano najbolje idejno rješenje.

U narednim godinama pribavljen je idejni projekat i urbanistička saglasnost, a potom i izvedbeni projekat, te u konačnici i građevinska dozvola, odnosno odobrenje za izgradnju kompleksa Memorijalni centar na brdu Žuč. Navedeno odobrenje je izdala Općina Novi Grad, dana 13.12.2018. godine.



web: <http://mbp.ks.gov.ba>
e-mail: mbp@mbp.ks.gov.ba
Tel: + 387 (0) 33 562-012,
Fax: + 387 (0) 33 562-251
Sarajevo, Reisa Džemaludina Čauševića 1



Urbanističkim planom i projektom je predviđeno da se izgradnja Memorijalnog centra Žuč odvija u dvije faze. Prva faza podrazumijeva izgradnju monumentalnog spomen obilježja svim braniocima brda Žuč sa svim predviđenim popratnim sadržajima (zgrada u kojoj će biti smještena uprava, spomen muzej, biblioteka, amfiteatar), te drugi predviđeni sadržaji.

U drugoj fazi je predviđena izgradnja više manjih spomen obilježja i drugih sadržaja među kojima je i planirana izgradnja spomen obilježja za 18 poginulih pripadnika Specijalne jedinice policije „Bosna“ koji su poginuli na brdu Žuč.


Dalje aktivnosti na realizaciji projekta Memorijalni centar Žuč podrazumijevaju pribavljanje finansijskih sredstava, kroz sufinansiranje više institucija i nivoa vlasti, koji imaju nadležnost nad ovim projektom, te izgradnju kompleksa.

S poštovanjem,



Dostaviti:

- Predsjedavajućem Skupštine Kantona Sarajevo
- Sekretaru Skupštine Kantona Sarajevo
- Sekretaru Vlade Kantona Sarajevo
- Web stranica Ministarstva
- a/a



web: <http://mbp.ks.gov.ba>
e-mail: mbp@mbp.ks.gov.ba
Tel: + 387 (0) 33 562-012,
Fax: + 387 (0) 33 562-251
Sarajevo, Reisa Džemaludina Čauševića 1

